

鄭 蘇州府同知敬之子正統六年輸粟一千十石
 賚粥救饑欽旌其門曰義民仍免本戶雜泛差三
 年

齊東縣志卷之六終

齊東縣志

卷之六

義民

十八

新修齊東縣志卷之六

齊東縣知縣余爲霖纂

人物傳

天地有靈氣鍾於山川則秀生天地有正氣鍾於人物則節見節也者如竹之挺如松之勁必有水霜不磨寒暑不變者可一日可千古也邑自大清河外別無名山大川可以驗天地之靈而奇傑蔚興炳照先後所謂天地正氣鍾於人物者偏多耶

齊東縣志

卷之六

人物傳

一

故當在朝則忠於君在家則孝於親而且丈夫有賢良之操女子多貞潔之性其隱逸也却紛華而不恤其流寓也假困抑以成名一技一藝可以呈奇爲仙爲釋借以證道不可謂非邑之光也然事核實文以徵信予酌之士民叅之文獻隱者務顯軼者必錄依類收輯較舊志倍詳焉則人物有傳亦維風礪俗之要道矣繼此而任纂修之責尚俛核實焉可也

忠臣

臣以忠名不拘名爵也蓋緣分自盡類有無所爲而爲之者邑三百年來勲臣蓋士非止一人而傳之捐生眞可貫日月泣鬼神焉列之於忠亦以見死生之際實未易言云

元

傳成由儒士任學訓致仕時平章之叛使召成爲主成堅守臣節辭不從使者取其首而去

齊東縣志

卷之六

忠臣

一一

孝子

孝爲百行之原懿德也維茲邑人多服子而有傳有不傳何哉蓋溫清定省事親之恒必眞摯艱苦爲人所不能爲而後士民頌之史冊榮之何論哲愚何分名位歟趙及孫韓炳炳前志予加意採訪則明季有趙

國初有張目今有閻所謂眞摯艱苦後先一致者編而輯之可以礪俗

元

趙鑑祀鄉賢年月事實無考

明

孫從善喪母及父結廬墓側哀慕三年不中履不酒
肉不面妻築臺歲時享祭洪武間以孝稱

韓五食貧役於外先亡母父客死陵縣五自傷卒求
父骨歸傭工七年始合葬妻亡不再娶永樂間以

孝稱

齊東縣志

卷之六

孝子

三

趙完貢生字介石崇禎間母有疾方須乳肉衆難之
完惻然自割親遂愈

國朝

張夢蛟進士字季鱗有孝友聲萬曆間父隱君喪廬
墓三年旦夕掬土墳高丈餘

閻鳳閣和順孝親母有疾冬月號佛赤足單衣又拖
鎮進香募建廟宇夫事神禮佛非所訓也然愚民
如此亦可風矣

鄉賢

天下有真人品斯有真事功夫事功不一或以忠節稱或以循良譽或文章敷爲國華或孝友高乎月旦其可傳於鄉無異也宋前莫考元明以來英賢蔚起千古爲昭上之

朝廷載之祀典洵厲世振俗一大機也况典型未遠前徽具在生斯邑者以法祖之心鼓希賢之氣則後先繼美邦家之光是又予所厚望也已

齊東縣志

卷之六

鄉賢

四

元

王文華字章甫勵志勤學博通經史至順元年賜狀元及第任翰林院修撰歷陞內臺御史樞密院判文章政事爲世所尚祀鄉賢祠

明

耿通由府學生中洪武壬午科鄉試任刑科都給事中
中以諫顯常侍永樂御案鎮紙金獅子欲墜通趨正之上曰凡物置之安則安置之危則危通曰

陛下安不忘危天下幸甚社稷幸甚上嘉納之嘗

曰有臣如卿天下何憂不治尋擢大理寺卿

賢祀

王舟字濟川由曹縣學貢任直隸遷縣令剛明廉介

六事振舉時值闈宦汪直用事理抗不屈卒見重

陞漢中府判

竇欽字肅恭任禮科給事中遷汾水知縣及降豐潤

縣主簿廉謹愛民不介寵辱陞工部主事詳見薊

州志

齊東縣志

卷之六

鄉賢

五

王瑩字奇玉由歲貢任永平府經歷秩滿冢宰王文

恪訝其抗對不屈因致仕性恬甘貧雖飢餓亦不

求人濟

喬瑾字彥華攷之子由歲貢任順天玉田縣令公勤

蒞事鋤強暴多修葺民甚安之後陞平定州同知

百姓爲立去思碑詳見薊州志祀鄉賢祠

盧戩字希祥任山西大同府判居任十八日以巡按

御史微言見挫抗對不屈棄官歸

沈福字天祿任玉田縣學諭及平陽府學訓署曲沃縣事恩禮士子於貧而好學者尤篤兩學士子極愛慕之後曲沃李進登進士守濟南親謁祭墓下流涕久之觀者感焉

張璣字宗璿景泰辛未科進士任雲南道監察御史天性聰明過目成誦惜不祿無嗣

孫珉字宗理與張璣同榜進士任戶科給事中務存大體嘗陳時弊報可通行中外詳見奏疏後以忤

齊東縣志

卷之六

鄉賢

六

權貴歸休有詩集行於時沒祀鄉賢祠

馬龍字文祥成化中以進士任刑科給事中謫陝西岐山縣丞復歷陞三原縣知縣河南汝寧府同及知開封府湖廣襄陽府拜浙江布政司大叅江西左右方伯所在卓有政聲祀鄉賢祠

趙淵字其淵成化庚子舉人知陝西秦州山西蒲州慷慨有爲不避權勢因忤巨室罷任歸

來旬嘉靖壬子舉人爲人醇厚友于有古人風以

義稱焉

張民綱隆慶間選貢爲人醇謹雅正與弟民範友于無間令清河以清德聞或勸之取公笑曰吾刻意作清白吏不亦美乎竟不聽居七年以最聞擢應州刺史未之官卒百姓爲立去思碑

江騰蛟字元宿丙午舉人體若不勝衣而精神炯炯有萬斛思爲文下筆于言立就善楷書尤長於古文詞所著有蒙引刪次管韓批評清福錄友古編

齊東縣志

卷之六

鄉賢

七

等書行於世祀鄉賢祠

張朝卿字對峯由拔貢官直隸虹縣省刑薄歛卓有政聲時倭擾南國當路不勝其需索公不忍多取以賄遂致仕以散逸終身

郭斗南字蓋卿有世德爲文力追先進對朋友清言竟日盤餐不具毫無愠色由歲貢任萊陽訓及莘縣諭其陶鑄後學有人倫鑒如孫君如蘭趙君鵬程皆次第成進士

張夢鯨字仲鱗隱君仲子也萬曆中由進士授大理寺評事歷戶部主事員外郎中權許墅關多異政陞河南彰德府知府戢流民化悍宗士民立生祠於豹祠之側轉按察司副使治磁州 玉璽見於漳河捧獻御門賜金幣有差又以破徊 功陞叅政移鎮汝州收降 定盧氏民立碑於觀音山下轉本省按察使左右布政使及陝西延綏巡撫提兵入衛勞瘁過當卒於官上痛悼贈兵部左侍郎

齊東縣志

卷之六

鄉賢

八

賜祭葬官 崇祀鄉賢祠公天性忠孝十一任皆

有聲功業載國史

學諭高于嶠傳

郭廣字涵之斗南子也萬曆壬戌進士歷任至寧前監軍道副使時餉缺兵變執撫而噪禍幾不測公借鈔挿盟履伍解國談笑間兵靜邊安功亦偉哉後憂勞卒於官錫封廕贈大僕寺少卿

邑舉人張成憲傳

國朝

張夢蛟字季鱗隱君季子也少攻苦二十二歲先仲

兄舉鄉薦時科目久疎議者以公闢七十載天荒
焉後五十年仲兄官至巡撫而公讀書不仕曰必
成進士而後已七十二歲果登順治丙戌進士署
東昌府學教授本年卒於官崇祀鄉賢孝友之聲
炳著別有傳 邑舉人郭國琦傳

張惟養字龍涵由恩貢歷任河南分守汝南叅政廉
幹有爲鋤強暴多修葺及司臬黔中施賑墾荒煮
粥活民蒞政剛斷嚴明豪橫斂迹翕然頌神明焉

齊東縣志

卷之六

鄉賢

九

代 覲入都卒錫封廕祀鄉賢祠 邑舉人郭國

傳

張經世字印青季鱗長子也少食餼博學積行文章
之富不下萬篇困棘園十餘次而攻苦不懈以歲
貢任萊陽訓導汶上教諭卒於官作諸生時有閉
戶却金事見汶庠祭幃居喪有讀禮寐書現存 邑舉

人任鼎
玉傳

任國柱字宇泰性淳和邃於易諸生時講經作人邑
中名士多出門下由歲貢任冠縣訓導鐸化聲稱

至今不替

邑舉人張成憲傳

王璣字玉衡有孝友聲平生尚氣節厚交游常排紛

難時論多之後由歲貢任江南上元縣丞

學訓馬登遠傳

張翼飛字圖南順治年貢惟登長子也性孝友尚義

急公濟饑焚券邑人稱之祀鄉賢

邑庠生楊篤生

彭鯤字扶九辛亥歲貢冲和雅飭簾衣糲食泊如也

排難解紛談笑道之無不愧服其天性仁孝尤不

可及值范經畧叛守父柩患難不避寇索鎗欲斷

齊東縣志

卷之六

鄉賢

十

其首公曰就戮父柩得死所矣寇感其孝遂釋之

而去

邑廩生張權時傳

節烈

以女子而礪匪石之節靡他之義較丈夫尤烈焉

其天性使然耶抑母教有素耶舊志四人今以輿

論之公復表十一人冰心霜操直與日月争光齊

俗之矜尚節義亦因茲想見哉

元

孫氏柴文志妻年二十七夫亡撫子事姑十餘年不
懈或勸之嫁輒泣曰不幸夫死幸有姑可依藐然
孤兒待吾成立奈何棄而他適爲禽獸之行哉竟
不嫁至元五年旌表其門

明

馮氏郟六妻年十八夫亡遺腹二月生男名之曰奴
兒撫子事姑終身不嫁洪武二十六年旌表其

盧氏張佩妻從夫軍於京生男二歲夫故氏未二十

齊東縣志

卷之六

節烈

十一

男扶夫柩歸葬紡績事姑男長成娶婦呂氏十
九歲而男亦故呂與姑俱守志不移成化十七年
旌表其居曰雙節之門

信氏盧秉彝妻年十八夫故遺腹生男撫養成入守
志不嫁後旌表有坊

二女縣民李良代生年二旬前未許聘父歿二女號
泣恨不能殉母王氏亦沒二女痛家貧弟幼裡祀
之人紡績承祀 嫁齊饑 起 石者不免

二女不罹說者謂真誠感格云王二尹欲以事
聞二女跪辭哀 遂不果後舊曆間白令聞於上
錫三十金建坊豎碑旌表其閭次女七十歲革長
女七十九歲卒誠奇且烈哉

汪氏周氏武氏巡撫張公夢鯨次配也公憂勞王事
卒於邊三氏坐臥一樓十年不下崇禎間兵臨城
破積火自焚有婦如此真慷慨而從容者矣張公
嚴肅之範亦可敬可畏哉因入志中以爲異目

齊東縣志

卷之六

節烈

十二

表之籍

王氏邑紳擢之女鄒平生員梁潛妻崇禎間娶十日
陡入院逼其姑氏給曰財物在已賊釋姑姑
氏實無財火燎刀刺苦罵而死

國朝

氏韓春魁妻杜堂女也適韓生二女二十一歲夫
亡氏栢舟自矢父母難奪其志十餘年長女適人
女生一子亦亡翁姑亦相繼去世氏曰女之

子在卽吾孫也歷兵饑艱苦不易其志年八十四
閻氏生員李瑋妻夫亡養親課子苦節三十年家業
賴以不廢

毛氏叅政張公惟養妾侍公五年公卒於王事三時
哭奠勸之食曰公食乃食泣四十六日卒祔公墓
戴氏副使公聖聰女叅政張公長子翰繼配翰哭父
卒氏誓同死以前氏遺女尚在襁褓乃苦節二十
年撫養之恩踰已出卒出芙葉形異矣哉

齊東縣志

卷之六

節烈

十三

劉氏儒士趙瑩妻順治三年謝寇叛官軍勦捕及劉
家鎮氏遇賊奮臂厲罵挺身迎刃立遇害後三年
啟葬於掩埋處膚髮如生見者異之

張氏拔貢惟登女廩生馬雲鰲妻也鰲遭寇射死氏
年二十九子女俱無苦守不嫁現年七十五歲

隱逸

明

張詞元字少虛隱居負節俠讀書萬卷有捐金還故

生閉門却孀妹二事其餘隱德種種未易殫述真
古隱君子里中號貞戴先生

王映字惟炳性簡神超耻與俗同有文章名屢試不
售謝去諸生隱濟水之上嘗書棹楔云琴掛無絃
眞古淡樓高有月自清虛古隱逸何以加焉

王懋字聖清順治間舉明經能文善書工於琴調高
和寡一時豪俊樂與之遊

齊東縣志

卷之六

隱逸

十四

王新之字聖修邑博士弟子員冲和 易四壁蕭然
陶如也善草書意興所至淋漓揮灑有右軍風
壁字玉符襟懷瀟洒不與俗人伍以畫名山川人
物翎毛花卉各臻其妙識者珍之

國明流

劉純字允誠武定州人嘉靖戊戌寓居齊東與王右
相一鳴友善口厭麤糲身衣鶉結雖甚窘乏而彈
絲吹竹啄嘯自適每作詩 傾動名流然資取

口不受餽遺輒貧窶如故自稱窮劉人亦以此呼
之王右相爲作窮劉傳而繼以歌曰繫吾內之窮
兮可以滌吾靈繫吾外之窮兮可以葆吾躬繫吾
內外之俱窮兮孰知一世之豪雄後數歲莫知所
往

朱廷暘湖廣黃岡人崇禎間任邑尉居官清慎及解
組囊空如洗不能治裝士民愛戀輸助地宅公遂
籍焉積德課子忠厚之聲幾遍鄰封子正錫以辛

齊東縣志

卷之六

流寓

十五

卯鄉薦登己亥進士

仙釋

麻姑仙

麻姑者葛稚川神仙傳云王遠字方平欲東之括蒼
山過吳蔡經家其尸解如蚺蟬也經去十餘年忽
還與家言七月七日王君當來過到期方平乘羽
車駕五龍各異色旌旗導從威儀赫奕如大將也
既至坐須臾引見經父兄因遣人與麻姑相聞亦

莫知麻姑是何神也言王方平久不行民間今來
在此想麻姑能暫來有頃信還但聞其語不見所
使人曰麻姑再拜不見忽已五百年尊卑有序修
敬無階思念久煩信承在彼登山顛倒而先被記
當按行蓬萊今便暫往如是便還還卽親觀願不
卽去如此兩時聞麻姑來來時不先聞人馬聲旣
至從官當半於方平也麻姑至蔡經亦舉家見之
是好女子年十八九許頂中作髻餘髮垂之至要

其衣有文章而非錦綺光彩耀日不可名字皆世
所無有也得見方平方平爲起立坐定各進行厨
金盤玉杯無限美膳多是諸華而香氣達於內外
櫛麟脯行之麻姑自言接待以來見東海三爲桑
田向見蓬萊水乃淺于往者會時畧半也豈將復
還爲陸陵乎方平笑曰聖人皆言海中行復揚塵
也麻姑欲見蔡經母及婦經弟婦新產數十日麻
姑望見之已知曰噫且止勿前卽求少許米便以

擲之墜地卽成丹砂方平笑曰姑故年少吾了不喜復作此曹狡獪變化也麻姑手似鳥爪蔡經念言背癢時得此爪以爬背乃佳也方平已知經心中念言卽使人牽經鞭之曰麻姑神人汝何忽謂其爪可以爬背耶見鞭著經背亦不見有人持鞭者方平告經曰吾鞭不可妄得也唐大曆三年顏眞卿刺撫州按圖經南城縣有麻姑山頂有古壇相傳云麻姑於彼得道而此則麻姑仙餉唐軍處

也軍士感之負土築臺建廟奉祀至今土人修祀益虔每歲三月望日爲神會男婦紛沓而至緇流羽客尤多往來其間

義民

昔太史公傳俠客儒者多非之雖然緩急人所時有也非有捐輸其何以濟每慨鄙吝之流徒事居積貫朽粟紅而人不得沐其升斗者比比矣若出粟救饑孜孜慕義豈不足以媿藏金守魯之夫耶